



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Evsebivs || De Euangelica pr[a]eparatione**

**Eusebius <Caesariensis>**

**[Augsburg], 1522**

**VD16 E 4299**

Quod non recte de cœlo Plato sensit. Cap. xi.

**urn:nbn:de:hbz:466:1-34477**

spacio tandem temporis disseparari. Si ergo anima quoque ex impassibili atque passibili substantia facta est, necesse est quemadmodum siccum ab humido, calidum a frigido, leue a graui, dulce ab amaro, album a nigro, sic & ipsam tempore distrahi, soluta contrariorum compagine. cum unumquodque ad naturam suam necessario tendat. An non uidemus quod graue est, quamuis a leuiore uictum eleuet, deferri tamen & ascendendi tarditatem atque difficultatem leuiori conjunctione afferri sua? ac similiter leue quamuis deferri cogatur, ad superiora tamen nititur. Quaecumque enim a duobus contrariis coniuncta sunt, impossibile est eodem modo semper manere. Sed non est certe anima haec duobus contrariis composita, sed simplex natura atque incorporea. unde Plato recte immortalem eam putauit. Verum quoniam ex anima & corpore constare hominem ab omnibus dicitur, ac passiones quae nobis sponte, contraque accidunt, animae passiones esse dicuntur. Hoc signo multi seducti, possibilem substantiam eius corporalem mortalemque opinati sunt. Plato vero impossibile eius naturae possibilem substantiam annectere coactus est. Quod autem aliter se res habet, a uirtutibus ipsius animae actiuus conabor ostendere. Haec de anima sufficiant.

Quod non recte de caelo Plato sensit. CAP. XI.

**D**E caelo vero ac Stellis, quamuis a patre omnium Hebraeis similiter productas asserat quasi deos, tamen caelestes cultas colendas consulit, sic in Epimenide dicens. Coelum inquit sicut omnes alios daemones atque deos honorare oportet, & nota ipsi apprime facere. Et post pauca, Deos uisibiles maximos, colendissimos, perspicacissimos, ac omnino primos stellarum naturam dicendum est, deinde demones colendi sunt. Quomodo autem si haec omnia facta sunt, ut ipse alibi testatur, sicut in superioribus diximus, deorum cultu honoranda sunt? cum ille solus creator omnium secundum ueritatem scripturaeque auctoritatem colendus sit? Haec perstringere placuit, ut uideas quae rectissime a nobis Hebraeorum scripturae platonica philosophia propositam esse. Ex his autem, quae nos scripsimus, facile unusquisque caetera comperiet, quae tetigimus, non ut Platonem accusemus, quem summo opere admiramur, sed ut ostendamus quanto ipse distat a Mosaiica & prophetica

H iij ueritate.

ueritate. Nam si quis accusare uellet, multa certe in eo inuenire posset, qualia sunt quæ de mulieribus in libris de republica scripsit.

Quæ de mulieribus sensit Plato. CAP. XII.

**Q**Vorum nonnulla referre alienum non est, Forsan inquit si quid præter consuetudinem dixerò, ridiculum tibi uideatur. Quid enim inusitatus quàm mulieres in gymnasijs nudas, nec solum iuuenes, sed etiam anus cum uiris luctantes uidere? Et subiungit, Si quis autem irridebit, quoniam gratia uirtutis unde mulieres exerceant, is quàm utilis sit, res ista non intelligit. Similia & in septimo de legibus præcipit. Lex enim in ea inquit, quæcunquæ masculis tribuit, eadè etiam mulieribus exercitia tribuit, nec unquam ipse dixerim equitare, armachque mouere, ita uirorum esse, ut a mulieribus aliena sint. Hæc longe remota a uera Hebræorum disciplina quæ non uiderit. Non enim non dico mulierum, sed nec uirorum quidè uiribus absque nutu diuino præclarissimæ res gerunt. Nisi enim deus inquit ædificauerit domum, inuanum laborauerunt qui ædificant eam. Nisi dominus custodierit ciuitatè, frustra uigilat qui custodit eam. Mirabilis autè ille philosophus, in gymnica mulieres certamina deducere non ueret. Mulieres inquit adolescentulæ nudæ, cursu & æquis certent. Quæ uero quartumdecimum annum excefferint, amictu cõuenienti uestitæ, in certamine rursus descendant. In alijs quoque certaminibus, quæ ad uiros spectant, ut in luctatione & iactu lapidum, in arcu & funda, & similibus, non uiros solum, sed etiam mulieres adhibere præcipit. In solènitatibus etiam nudas in sexto de legibus, adolescentulas cum nudis iuuenibus tripudijs salire iussit. His illa quæ in libris de republica de cõmunitate mulierum dicta sunt, addenda mihi uidentur. Lex inquit ponenda est, ut mulieres uiris omnibus cõmunes sint, nullaque cum uno solummodo habitare possit: hoc enim modo filij quoque cõmunes putabunt, nec pater filium suum, nec filius patrem cognoscat. Et post pauca, Non tamè quibus suis mulieres cõmuniter subijcimus, sed potestati principum totam rem cõmittendam arbitramur, ut quæadmodum pecunias publicas digne distribuunt, sic mulieres quoque fortibus uiris, & utriusque dignitate tribuant. Multa huiusmodi sunt apud eum, imò multo etiam turpiora, quæ negligenda potius, quàm scribenda duximus. Sed ut quantum distet mens humana,

mana,